

26 FEB 2003

NAM: UKRAINE MUNGKIN SERTAI PERGERAKAN NEGARA-NEGARA BERKECUALI

KUALA LUMPUR, 26 Feb (Bernama) -- Ukraine, negara berstatus pemerhati dalam Pergerakan Negara-negara Berkecuali (NAM) tidak menolak kemungkinan akan menyertai pergerakan itu pada masa depan.

Timbalan Setiausaha Negara Kementerian Luar Ukaraine Volodymyr Yelchenko berkata Ukraine telah menjadi pemerhati sejak empat tahun yang lepas dan mengikuti dengan dekat aktiviti-aktiviti pergerakan 116 anggota itu.

"Saya rasa ada kemungkinan (sertai NAM). Kami telah lama menimbangkan kemungkinan itu," kepadanya kepada Bernama di luar Sidang Kemuncak NAM ke-13 yang berakhir malam tadi.

Yelchenko berkata negaranya aktif dalam Pertubuhan Bangsa-bangsa Bersatu mendapati NAM dan Ukraine berkongsi pendirian dalam kebanyakan isu antarabangsa yang dibincangkan.

Beliau juga berkata pergerakan itu kini di bawah kepimpinan baik Perdana Menteri Malaysia Datuk Seri Dr Mahathir Mohamad. Malaysia akan mempengerusikan NAM bagi tempoh tiga tahun akan datang.

"Kami akan terus memerhati aktiviti-aktiviti (NAM) dan mengenali Malaysia," tambahnya.

-- BERNAMA

RV MFJ MOZ